



Godina XII - Broj 15

ZENICA, Petak, 17.08.2007. godine

SKUPŠTINA**203.**

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 9. sjednici održanoj dana 31.07.2007. godine, donosi

ZAKON
o prestanku važenja Zakona o ispitu za
sudiju za prekršaje

Član 1.

Prestaje da važi Zakon o ispitu za sudiju za prekršaje ("Službene novine Zeničko-dobojskog kantona" broj: 15/98).

Član 2.

Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-17873/07

Datum, 01.08.2007. godine

Zenica

PREDSJEDAVALAČI

Sejad Zaimović, s.r.

204.

Na osnovu člana 37. stav 1. tačka f) Ustava Zeničko-dobojskog kantona, a u vezi sa članom 51. Zakona o građenju ("Službene novine Zeničko-dobojskog kantona", broj: 1/05) Skupština Zeničko-dobojskog kantona na 9. sjednici održanoj 31.07.2007. godine, donosi

O D L U K U

o legalizaciji bespravno izgrađenih
građevina

I OPĆE ODREDBE**Član 1.**

Ovom odlukom reguliše se postupak, uslovi i način legalizacije građevina i drugih izvedenih radova u prostoru izgrađenih bez odobrenja za građenje (u daljem tekstu: bespravne građevine i bespravni radovi) i rje-

šavanje pravnog statusa građevina privremenog karaktera (u daljem tekstu: privremene građevine).

Član 2.

Izrazi upotrijebljeni u ovoj odluci imaju slijedeće značenje:

- "građevinom" u smislu ove odluke smatra se rezultat građenja trajno povezan sa tlom, sastavljen od: građevinskog sklopa, ugrađene opreme i pripadajuće infrastrukture koji u okviru tehnološkog procesa zajedno čine tehnološku cjelinu, kao samostalna postrojenja trajno povezana sa tlom;

- "bespravno izgrađenom građevinom", u smislu ove odluke smatra se građevina ili njen dio izgrađen bez odobrenja za građenje, građevina u čijoj je izgradnji odstupljeno od odobrenja za građenje i građevina dograđena ili nadzidana bez odobrenja za građenje;

- "izgrađenom građevinom", u smislu ove odluke, smatra se građevina na kojoj su do dana stupanja na snagu ove odluke izvedeni građevinski i instalaterski radovi ili je završen dio građevine koji se može samostalno koristiti;

- "građevinom u čijoj je izgradnji odstupljeno od odobrenja za građenje", u smislu ove odluke, smatra se građevina čiji vlasnik posjeduje odobrenje za građenje, a protekao je rok za izmjenu odobrenja utvrđen zakonom ili je zahtjev za izmjenu odbijen;

- "građevinom dograđenom ili nadzidanom bez pravosnažnog odobrenja za građenje", u smislu ove odluke smatra se građevina upisana u zemljišnu knjigu, dograđena ili nadzidana bez odobrenja za građenje;

- "bespravnim radovima", u smislu ove odluke smatraju se izvedeni radovi iznad ili ispod površine tla, kojima se privremeno ili trajno zauzima prostor ili mijenjaju postojeći uslovi korištenja tog prostora;

- "legalizacijom bespravno izgrađenih građevina", smatra se provođenje postupka u kojem se donosi rješenje koje proizvodi isto pravno dejstvo kao odobrenje za građenje;

- "početkom građenja", smatra se dan kada je za građevinu koja ima temelje izvršen iskop temelja, a za građevinu koja nema temelje dan kada su započete pripreme radnje za neposredni početak građenja (čišćenja terena, ravnanja, nasipanje i dr.);

- "tehnička dokumentacija", u smislu ove odluke podrazumijeva projekat izvedenog stanja;

- "uklanjanje građevine", je rušenje ili demontaža objekta i odvoženje preostalog materijala, opreme i drugih elemenata;

- "uže urbano područje", je područje koje je kao takvo određeno urbanističkim planom;

- "prostorno planska dokumentacija", je skup dokumenata koji čine: prostorni, urbanistički i regulacioni planovi, planovi parcelacije, urbanističko-tehnički uvjeti, analize, studije i drugi dokumenti izrađeni u okviru poslova planiranja uređenja prostora;

- "privremenom građevinom", u smislu ove odluke smatra se građevina izgrađena na osnovu izdatog pravosnažnog odobrenja za građenje donijetog na osnovu člana 129. Zakona o prostornom uređenju ("Službeni list SR BiH", broj: 9/87-prečišćeni tekst, 23/88, 24/89, 10/90, 14/90, 15/90 i 14/91 i "Službeni list R BiH", br: 16/92, 13/94 i 20/95).

II POSTUPAK LEGALIZACIJE BESPRAVNO IZGRAĐENIH GRAĐEVINA

Član 3.

Postupak legalizacije provode Ministarstvo za prostorno uređenje, promet i komunikacije i zaštitu okoline Zeničko-dobojskog kantona (u daljem tekstu: Ministarstvo) i nadležna općinska služba (u daljem tekstu: Općinska služba), zavisno od nadležnosti utvrđene u članu 46. Zakona o prostornom uređenju ("Službene novine Zeničko-dobojskog kantona" broj: 2/04).

Postupak legalizacije provodi se na osnovu odredbi ove odluke, Zakona o prostornom uređenju, Zakona o građenju ("Službene novine Zeničko-dobojskog kantona" broj: 1/05), Zakona o građevinskom zemljištu Federacije Bosne i Hercegovine ("Službene novine Federacije BiH", broj: 67/05) i Zakona o upravnom postupku ("Službene novine Federacije BiH", broj: 2/98 i 48/99).

Član 4.

Postupak legalizacije se pokreće na zahtjev ovlaštenog lica.

Ovlaštenim licem u smislu ove odluke smatra se graditelj bespravno izgrađene građevine, vlasnik bespravno izgrađene građevine ukoliko on nije bio graditelj, a vlasništvo dokazuje kupoprodajnim ugovorom ili lice koje je nekretninu steklo na drugi zakonom propisan način.

Zahtjev za legalizaciju podnosi se u roku jedne godine od dana stupanja na snagu ove odluke. Protekom ovog roka gubi se pravo na podnošenje ovog zahtjeva.

Član 5.

Uz zahtjev za izdavanje rješenja o legalizaciji bespravno izgrađenih građevina (u daljem tekstu: rješenja) poslije 31.05.1974. godine, a do stupanja na snagu ove odluke, prilažu se slijedeći dokazi:

- izvod iz planskog akta ili stručno mišljenje Stručne komisije iz člana 9. ove odluke;
- kopija katastarskog plana;
- ažurna geodetska podloga, sa ucrtanom građevinom na istoj, izrađena od strane ovlaštene organizacije;
- projekat izvedenog stanja u dva primjerka, urađen na nivou Glavnog projekta uključujući i radove koje treba izvesti;
- dokaz o pravu građenja propisan članom 40. Zakona o građenju;
- dokaz o uplati naknade za uređenje građevinskog zemljišta, kao i izmirenje drugih obaveza propisanih posebnim zakonom;
- saglasnosti nadležnih organa i službi;
- izvještaj o geomehaničkim i inženjersko-geološkim karakteristikama tla, ukoliko je to potrebno.

Ukoliko podnosilac zahtjeva nije u mogućnosti priložiti neki od dokumenata iz stava 1. ovog člana dužan je navesti razloge za to. U zavisnosti od prirode nedostajuće dokumentacije Ministarstvo ili općinska služba će ostaviti podnosiocu zahtjeva naknadni rok za dostavljanje dokumentacije.

Ukoliko i po proteku naknadno ostavljenog roka ne bude dostavljena tražena dokumentacija, zahtjev će se odbaciti kao nepotpun.

Član 6.

Rješenje u postupku legalizacije bespravno izgrađene građevine ne može se donijeti za građevinu na prostoru gdje prema prostorno-planskoj dokumentaciji nije dozvoljeno građenje ili se u skladu sa drugim posebnim propisima legalizacija ne može provesti.

Član 7.

Ministarstvo ili općinska služba donosi rješenje po zahtjevu za legalizaciju i dostavlja ga stranci najkasnije u roku od 60 dana računajući od dana predaje urednog zahtjeva za legalizaciju.

Član 8.

Ministarstvo ili općinska služba će donijeti rješenje o legalizaciji, ukoliko bespravno izgrađena građevina zadovoljava:

- zahtjeve odgovarajućeg prostorno-planskog dokumenta predviđenog zakonom i ovom odlukom,
- propisane građevinske standarde i
- uvjete predviđene posebnim zakonom.

Član 9.

Za slučajeve bespravno izgrađene građevine koja se nalazi na prostoru za koji nije donesen odgovarajući prostorno-planski akt, ako se bespravno izgrađeni objekat po svojoj namjeni, izgledu i položaju uklapa u okruženje na području na kojem se nalazi, kao i ako zadovoljava propisane građevinske standarde i uslove predviđene posebnim zakonima, donijet će se rješenje na osnovu ocjene Stručne Komisije (u daljem tekstu: Stručna komisija).

Član 10.

Stručnu komisiju od 5 članova imenuje Skupština Zeničko-dobojskog kantona, na prijedlog ministra Ministarstva za prostorno uređenje, promet i komunikacije i zaštitu okoline, odnosno Općinsko vijeće na prijedlog općinskog načelnika, zavisno od nadležnosti iz člana 46. Zakona o prostornom uređenju.

U Stručnu komisiju iz stava 1. ovog člana imenuju se: pomoćnik ministra, odnosno šef službe za prostorno uređenje koji predsjedava Stručnom komisijom, jedan diplomirani inženjer arhitekture, jedan inženjer građevine, jedan diplomirani inženjer čija će se struka odrediti zavisno od vrste, veličine i namjene građevine i jedan diplomirani pravnik.

Članovi Stručne komisije moraju imati najmanje pet godina radnog iskustva na poslovima prostornog planiranja i provođenja prostorno-planske dokumentacije i položen stručni ispit.

Stručna komisija za svoj rad ima pravo na naknadu koja će se utvrđivati posebnim aktom ministra, odnosno načelnika, a troškove rada komisije snosi lice po čijem zahtjevu Stručna komisija radi.

Član 11.

Stručna komisija po svakom pojedinačnom zahtjevu donosi stručnu ocjenu o mogućnosti legalizacije bespravno izgrađene građevine.

U slučajevima kada namjena bespravno izgrađene građevine koja se nalazi na području za koji je donesena prostorno-planska dokumentacija i za koju je podnesen zahtjev za legalizaciju nije u skladu sa namjenom područja utvrđenom odgovarajućom prostorno-planskom dokumentacijom, Stručna komisija može inicirati izmjenu tog dokumenta.

Ukoliko Stručna komisija inicira izmjenu prostorno-planskog dokumenta, Ministarstvo, odnosno općinska služba, prekinut će postupak po zahtjevu za legalizaciju do isteka roka za donošenje odluke o izmjeni odgovarajućeg prostorno-planskog dokumenta.

Ukoliko Stručna komisija ne inicira izmjenu odgovarajućeg prostorno-planskog dokumenta iz stava 2. ovog člana u roku od 30 dana od dana kada je postupala po zahtjevu za legalizaciju i o tome izvjesti Ministarstvo, odnosno općinsku službu, isti će odbiti zahtjev za legalizaciju bespravno izgrađene građevine.

Član 12.

Rješenje proizvodi isto pravno dejstvo kao odobrenje za građenje izdato u skladu sa odredbama Zakona o građenju.

Rješenjem se određuju uvjeti pod kojima se izgradnja započete i/ili nedovršene bespravno izgrađene građevine može završiti.

Rješenjem se određuje iznos naknade propisane Zakonom o građevinskom zemljištu Federacije Bosne i Hercegovine.

Član 13.

Ministarstvo ili općinska služba će naložiti rekonstrukciju, odnosno djelimično rušenje bespravno izgrađene građevine ili preduzimanje neke druge radnje iz člana 11. ove odluke, ukoliko se na taj način mogu ispuniti uvjeti za legalizaciju.

Član 14.

Za bespravno izgrađenu građevinu za koju je doneseno rješenje, provodi se postupak izdavanja upotrebne dozvole za legaliziranu građevinu.

Zahtjev za izdavanje upotrebne dozvole za legaliziranu građevinu, investitor, odnosno vlasnik građevine podnosi Ministarstvu, odnosno općinskoj službi koja je izdala rješenje o legalizaciji građevine.

Uz zahtjev iz stava 2. ovog člana obavezno se prilaže:

- rješenje o legalizaciji građevine,
- projekat izvedenog stanja sa elaboratima: zaštite od požara, zaštite na radu i zaštite okoline,
- pisana izjava izvođača o izvedenim radovima i pisani izvještaj nadzornog organa o građenju objekta ukoliko iste posjeduje, odnosno izjava vlasnika objekta o nesolidnoj gradnji, ukoliko vlasnik ne posjeduje naprijed pomenute izjave.

Član 15.

Ministarstvo, odnosno općinska služba dužna je u roku od 15 dana od dana prijema urednog zahtjeva iz člana 14. ove odluke obaviti tehnički pregled legalizovane građevine.

Tehnički pregled obavlja stručna komisija za tehnički pregled (u daljem tekstu: Komisija), koju rješenjem imenuje ministar ili načelnik općine, zavisno iz čije je nadležnosti legalizirana građevina.

U sastav Komisije imenuju se diplomirani inženjeri odgovarajuće struke sa pet godina radnog iskustva i položenim stručnim ispitom. Broj članova Komisije ovisi o vrsti i složenosti legalizovane građevine.

Član 16.

Tehnička ispravnost legalizirane građevine utvrđuje se vještačenjem na osnovu uvidaja na licu mjesta i izjave vlasnika građevine o nesolidnoj gradnji ukoliko nema pisane izjave izvođača o izvedenim radovima i pisanog izvještaja nadzornog organa nad građenjem.

Izjava vlasnika građevine o nesolidnoj gradnji zamijenit će nedostajuću dokumentaciju koja se odnosi na kvalitet radova i ugrađenih proizvoda i opreme kao i preuzimanje odgovornosti za sve eventualne štete nastale zbog nekvaliteta ugrađenih materijala, odnosno zbog nezadovoljavanja propisa i standarda građenja.

O izvršenom tehničkom pregledu Komisija sačinjava izvještaj.

Član 17.

Ministarstvo, odnosno općinska služba na osnovu pozitivnog mišljenja Komisije izdat će u roku od 30 dana upotrebnu dozvolu za legaliziranu građevinu.

Ako Komisija prilikom ocjene tehničke ispravnosti legalizirane građevine utvrdi nedostatke na građevini koji se ne mogu otkloniti, ili da postoji opasnost po stabilnost objekta, po život i zdravlje ljudi, okolinu, saobraćaj ili susjedne objekte, Ministarstvo, odnosno općinska služba donijet će rješenje o uklanjanju objekta na teret investitora.

III JAVNOST PROVOĐENJA POSTUPKA LEGALIZACIJE**Član 18.**

Ministarstvo ili općinska služba će svakih šest mjeseci obavještavati javnost o sprovođenju procesa legalizacije bespravno izgrađenih građevina u skladu sa ovom odlukom.

IV INSPEKCIJSKI NADZOR**Član 19.**

Inspekcijски nadzor nad primjenom ove odluke i drugih propisa, obavljaju kantonalni i općinski građevinski inspektor svaki u okviru svoje nadležnosti.

Član 20.

Nadležna inspekcija će zapečatiti sve bespravno izgrađene građevine na kojima započeti radovi nisu završeni u roku od 8 dana od dana stupanja na snagu ove odluke.

Član 21.

Građevinski inspektor je dužan upozoriti nadležno Ministarstvo, odnosno općinsku službu na rješenje koje je protivno odredbama ove odluke.

V ZAVRŠNE ODREDBE**Član 22.**

Na osnovu zahtjeva o legalizaciji bespravno izgrađene građevine, investitor ima pravo na privremeno priključenje, do okončanja postupka legalizacije, na instalacije komunalne i druge infrastrukture (vodovod, kanalizacija, toplovod, gasovod, TT vod i elektro vod).

Način i postupak priključenja bespravno izgrađenog objekta na infrastrukturu iz stava 1. ovog člana propisat će preduzeće svako iz svoje nadležnosti u skladu sa propisima i standardima koji se odnose na tu djelatnost. Za tehničku ispravnost priključka odgovara pravno lice koje je odobrilo priključak na svoju infrastrukturu.

Član 23.

Komunalna i druga privredna društva infrastrukture (vodovod i kanalizacija, elektro, toplovod, gasovod i TT vod) isključit će sa svojih instalacija građevine iz člana 22. u skladu sa svojim propisima, ukoliko privremeni korisnik njihovih usluga u roku od jedne godine ne dostavi rješenje o legalizaciji bespravno izgrađene građevine.

Izuzetno, komunalna privredna društva iz stava 1. ovog člana neće isključiti privremenog korisnika njihovih usluga i u narednu godinu dana ukoliko priloži dokaz da je postupak legalizacije u toku.

Član 24.

Privremene građevine mogu dobiti status građevina stalnog karaktera, ukoliko ispunjavaju uslove propisane ovom odlukom, na isti način kao i bespravno izgrađene građevine.

Član 25.

Ova odluka stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-23-17874/07

Datum, 01.08.2007. godine

Zenica

PREDSJEDAVAJUĆI

Sejad Zaimović, s.r.

205.

Na osnovu člana 37. stav 1. tačka f) Ustava Zeničko-dobojskog kantona i člana 26. stav 1. Zakona o visokom obrazovanju ("Službene novine Zeničko-dobojskog kantona", broj: 5/05), Skupština Zeničko-dobojskog kantona na 9. sjednici održanoj 31.07.2007. godine, donosi

O D L U K U
o usvajanju Elaborata o
društveno-ekonomskoj opravdanosti
organizovanja Odsjeka za predškolski odgoj i
obrazovanje na Islamskom pedagoškom
fakultetu u Zenici

Član 1.

Usvaja se Elaborat o društveno-ekonomskoj opravdanosti organizovanja Odsjeka za predškolski odgoj i obrazovanje na Islamskom pedagoškom fakultetu u Zenici.

Član 2.

Odluka stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-38-17875/07
 Datum, 01.08.2007. godine
 Zenica

PREDSJEDAVALAČI
 Sejad Zaimović, s.r.

VLADA

206.

Na osnovu člana 16. stav 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00 i 7/05), Programa utroška namjenskih sredstava ostvarenih po osnovu 0,5% za zaštitu i spašavanje od prirodnih i drugih nesreća za 2007. godinu u Zeničko-dobojskom kantonu, Vlada Zeničko-dobojskog kantona, na 20. sjednici, održanoj 12.07.2007. godine, d o n o s i

O D L U K U

o odobravanju finansijskih sredstava
općinama Kantona radi finansiranja
preventivnih mjera u oblasti zaštite i
spašavanja, saniranja dijela šteta nastalih
usljed djelovanja prirodnih i drugih nepogoda
i opremanja struktura zaštite i spašavanja
materijalno-tehničkim sredstvima i
opremom

I

Odobravaju se finansijska sredstva ostvarena po osnovu poreza 0,5% za zaštitu i spašavanje od prirodnih i drugih nepogoda u iznosu od 250.000,00 KM općinama Kantona.

II

Odobrena sredstva iz člana 1. ove Odluke isplatit će se iz Budžeta Zeničko-dobojskog kantona – Kantonalne uprave civilne zaštite, ekonomski kod 615100 – Kapitalni grantovi (transfer općinama) sljedećim općinama:

Red.br.	Općina	Iznos u KM
1.	Zenica	30.000,00 KM
2.	Kakanj	40.000,00 KM
3.	Maglaj	40.000,00 KM
4.	Zavidovići	30.000,00 KM
5.	Visoko	10.000,00 KM
6.	Vareš	15.000,00 KM
7.	Breza	10.000,00 KM
8.	Olovo	20.000,00 KM
9.	Tešanj	15.000,00 KM
10.	Doboj Jug	15.000,00 KM
11.	Žepče	15.000,00 KM
12.	Usora	10.000,00 KM
UKUPNO:		250.000,00 KM

III

Općine su dužne utrošak sredstava uskladiti sa članom 184. Zakona o zaštiti i spašavanju ljudi i materijalnih dobara od prirodnih i drugih nesreća ("Sl. novine F BiH", broj: 39/03 i 22/06) i u roku od šest mjeseci dostaviti Izvještaj o utrošku odobrenih sredstava iz čl. 2. ove odluke Vladi Zeničko-dobojskog kantona putem Kantonalne uprave civilne zaštite.

IV

Za realizaciju ove Odluke zadužuje se Kantonalna uprava civilne zaštite i Ministarstvo finansija, svako u okviru svoje nadležnosti.

V

Odluka stupa na snagu danom donošenja i bit će objavljena u "Službenim novinama Zeničko-dobojskog kantona".

Broj: 02-14-18117/07

Datum, 12.07.2007. godine

Zenica

PREMIJER

Miralem Galijašević, s.r.

207.

Na osnovu člana 16. stav 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00, 7/05 i 4/06), a u vezi sa članom 51. Zakona o izvršavanju Budžeta Zeničko-dobojskog kantona za 2007. godinu ("Službene novine Zeničko-dobojskog kantona", broj 7/07), Vlada Zeničko-dobojskog kantona, na 21. sjednici, održanoj 18.07.2007. godine, d o n o s i

O D L U K U

o uvećanju sredstava u Budžetu
Zeničko-dobojskog kantona
za 2007. godinu

Član 1.

Odobrava se uvećanje sredstava u Budžetu Zeničko-dobojskog kantona za 2007. godinu ("Službene novine

Zeničko-dobojskog kantona”, broj: 7/07) za budžetskog korisnika: Ministarstvo za obrazovanje, nauku, kulturu i sport – OŠ “Olovo” Olovo.

Uvećanje sredstava u Budžetu Zeničko-dobojskog kantona za 2007. godinu, vrši se na slijedeći način:

- na razdjelu 22, budžetska organizacija 02, potrošačka jedinica 0019 – OŠ “Olovo” Olovo – sredstva na poziciji **821300** – Nabavka opreme - Plan izdaci iz donacija 2007. godina uvećavaju se za **4.000,00 KM**,
- u Budžetu Zeničko-dobojskog kantona za 2007. godinu u dijelu **A. PRIHODI** u koloni Budžet 2007. na poziciji **732112** – Primitveni grantovi od Federacije, uvećavaju se za **4.000,00 KM**.

Član 2.

Odobrena sredstva OŠ “Olovo” Olovo namjenski će utrošiti za realizaciju projekta opremanja multimedijске učionice. Škola je dužna sačiniti izvještaj o utrošenim sredstvima te dostaviti Ministarstvu finansija putem resornog ministarstva najkasnije 7 (sedam) dana nakon utroška sredstava.

Član 3.

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija.

Član 4.

Ova odluka stupa na snagu danom donošenja, a objavit će se u “Službenim novinama Zeničko-dobojskog kantona”.

Broj: 02-14-17242/07

Datum, 18.07.2007. godine

Zenica

PREMIJER

Miralem Galijašević, s.r.

208.

Na osnovu člana 16. stav 2. Zakona o Vladi Zeničko-dobojskog kantona (“Službene novine Zeničko-dobojskog kantona”, broj 16/00, 7/05 i 4/06), a u vezi sa članom 51. Zakona o izvršavanju Budžeta Zeničko-dobojskog kantona za 2007. godinu (“Službene novine Zeničko-dobojskog kantona”, broj 7/07), Vlada Zeničko-dobojskog kantona, na 21. sjednici, održanoj 18.07.2007. godine, d o n o s i

O D L U K U

o uvećanju sredstava u Budžetu Zeničko-dobojskog kantona za 2007. godinu

Član 1.

Odobrava se uvećanje sredstava u Budžetu Zeničko-dobojskog kantona za 2007. godinu (“Službene

novine Zeničko-dobojskog kantona”, broj: 7/07) za budžetskog korisnika: Ministarstvo za obrazovanje, nauku, kulturu i sport – OŠ “Huso Hodžić” Tešanj.

Uvećanje sredstava u Budžetu Zeničko-dobojskog kantona za 2007. godinu, vrši se na slijedeći način:

- na razdjelu 22, budžetska organizacija 02, potrošačka jedinica 0025 – OŠ “Huso Hodžić” Tešanj – sredstva na poziciji **613100** – Putni troškovi - Plan izdaci iz donacija 2007. godina uvećavaju se za **360,00 KM**,
- u Budžetu Zeničko-dobojskog kantona za 2007. godinu u dijelu **A. PRIHODI** u koloni Budžet 2007. na poziciji **732116** – Primitveni grantovi od općina, uvećavaju se za **360,00 KM**.

Član 2.

Odobrena sredstva OŠ “Huso Hodžić” Tešanj namjenski će utrošiti za upućivanje učenika na federalno takmičenje iz matematike i fizike. Škola je dužna sačiniti izvještaj o utrošenim sredstvima te dostaviti Ministarstvu finansija putem resornog ministarstva najkasnije 7 (sedam) dana nakon utroška sredstava.

Član 3.

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija.

Član 4.

Ova odluka stupa na snagu danom donošenja, a objavit će se u “Službenim novinama Zeničko-dobojskog kantona”.

Broj: 02-14-17744/07

Datum, 18.07.2007. godine

Zenica

PREMIJER

Miralem Galijašević, s.r.

209.

Na osnovu člana 16. stav 2. Zakona o Vladi Zeničko-dobojskog kantona (“Službene novine Zeničko-dobojskog kantona”, broj 16/00, 7/05 i 4/06), a u vezi sa članom 51. Zakona o izvršavanju Budžeta Zeničko-dobojskog kantona za 2007. godinu (“Službene novine Zeničko-dobojskog kantona”, broj 7/07), Vlada Zeničko-dobojskog kantona, na 21. sjednici, održanoj 18.07.2007. godine, d o n o s i

O D L U K U

o uvećanju sredstava u Budžetu Zeničko-dobojskog kantona za 2007. godinu

Član 1.

Odobrava se uvećanje sredstava u Budžetu Zeničko-dobojskog kantona za 2007. godinu (“Službene

novine Zeničko-dobojskog kantona", broj: 7/07) za budžetskog korisnika: Ministarstvo za obrazovanje, nauku, kulturu i sport – OŠ "Rešad Kadić" Tešanj.

Uvećanje sredstava u Budžetu Zeničko-dobojskog kantona za 2007. godinu, vrši se na slijedeći način:

- na razdjelu 22, budžetska organizacija 02, potrošačka jedinica 0028 – OŠ "Rešad Kadić" Tešanj – sredstva na poziciji **613900 (MBC 902)** – Ostale ugovorene usluge - Plan izdaci iz donacija 2007. godina uvećavaju se za **1.500,00 KM**,
- u Budžetu Zeničko-dobojskog kantona za 2007. godinu u dijelu **A. PRIHODI** u koloni Budžet 2007. na poziciji **732116** – Primljeni grantovi od općina, uvećavaju se za **1.500,00 KM**.

Član 2.

Odobrena sredstva OŠ "Rešad Kadić" Tešanj namjenski će utrošiti za obilježavanje Dana uposlenih u obrazovanju Općine Tešanj. Škola je dužna sačiniti izvještaj o utrošenim sredstvima te dostaviti Ministarstvu finansija putem resornog ministarstva najkasnije 7 (sedam) dana nakon utroška sredstava.

Član 3.

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija.

Član 4.

Ova odluka stupa na snagu danom donošenja, a objavit će se u "Službenim novinama Zeničko-dobojskog kantona".

Broj: 02-14-17745/07

PREMIJER

Datum, 18.07.2007. godine

Zenica

Miralem Galijašević, s.r.

210.

Na osnovu člana 16. stav 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00, 7/05 i 4/06), a u vezi sa članom 51. Zakona o izvršavanju Budžeta Zeničko-dobojskog kantona za 2007. godinu ("Službene novine Zeničko-dobojskog kantona", broj 7/07), Vlada Zeničko-dobojskog kantona, na 21. sjednici, održanoj 18.07.2007. godine, d o n o s i

O D L U K U

o uvećanju sredstava u Budžetu Zeničko-dobojskog kantona za 2007. godinu

Član 1.

Odobrava se uvećanje sredstava u Budžetu Zeničko-dobojskog kantona za 2007. godinu ("Službene novine

Zeničko-dobojskog kantona", broj: 7/07) za budžetskog korisnika: Ministarstvo za obrazovanje, nauku, kulturu i sport – Srednja tehnička škola Tešanj.

Uvećanje sredstava u Budžetu Zeničko-dobojskog kantona za 2007. godinu, vrši se na slijedeći način:

- na razdjelu 22, budžetska organizacija 03, potrošačka jedinica 0011 – Srednja tehnička škola Tešanj – sredstva na poziciji **613100** – Putni troškovi - Plan izdaci iz donacija 2007. godina uvećavaju se za **750,00 KM**,
- na razdjelu 22, budžetska organizacija 03, potrošačka jedinica 0011 – Srednja tehnička škola Tešanj – sredstva na poziciji **613400** – Nabavka materijala - Plan izdaci iz donacija 2007. godina uvećavaju se za **150,00 KM**,
- u Budžetu Zeničko-dobojskog kantona za 2007. godinu u dijelu **A. PRIHODI** u koloni Budžet 2007. na poziciji **732116** – Primljeni grantovi od općina uvećavaju se za **900,00 KM**.

Član 2.

Odobrena sredstva od općine Tešanj, Srednja tehnička škola Tešanj će namjenski utrošiti za učešće učenika na medicinijadi u Goraždu. Škola je dužna sačiniti izvještaj o utrošenim sredstvima te isti dostaviti Ministarstvu finansija, putem resornog ministarstva, najkasnije 7 (sedam) dana nakon utroška sredstava.

Član 3.

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija.

Član 4.

Ova odluka stupa na snagu danom donošenja, a objavit će se u "Službenim novinama Zeničko-dobojskog kantona".

Broj: 02-14-17746/07

PREMIJER

Datum, 18.07.2007. godine

Zenica

Miralem Galijašević, s.r.

MINISTARSTVO UNUTRAŠNJIH POSLOVA

211.

Na osnovu člana 35. stav (2) i 42. stav (2) Zakona o bezbjednosti održavanja sportskih takmičenja ("Službene novine Zeničko-dobojskog kantona", broj 02/06 i 11/07) ministar Ministarstva unutrašnjih poslova Zeničko-dobojskog kantona, donosi

Sadržaj

SKUPŠTINA

203. Zakon o prestanku važenja Zakona o ispitu za sudiju za prekršaje 367
204. Odluka o legalizaciji bespravno izgrađenih građevina 367
205. Odluka o usvajanju Elaborata o društveno-ekonomskoj opravdanosti organizovanja Odsjeka za predškolski odgoj i obrazovanje na Islamskom pedagoškom fakultetu u Zenici 370

VLADA

206. Odluka o odobravanju finansijskih sredstava općinama Kantona radi finansiranja preventivnih mjera u oblasti zaštite i spašavanja, saniranja dijela šteta nastalih usljed djelovanja prirodnih i drugih nepogoda i opremanja struktura zaštite i spašavanja materijalno-tehničkim sredstvima i opremom 371
207. Odluka o uvećanju sredstava u Budžetu Zeničko-dobojskog kantona za 2007. godinu 371
208. Odluka o uvećanju sredstava u Budžetu Zeničko-dobojskog kantona za 2007. godinu 372
209. Odluka o uvećanju sredstava u Budžetu Zeničko-dobojskog kantona za 2007. godinu 372
210. Odluka o uvećanju sredstava u Budžetu Zeničko-dobojskog kantona za 2007. godinu 373

MINISTARSTVO UNUTRAŠNJIH POSLOVA

211. Instrukcija o izmjenama Instrukcije o načinu i postupku evidentiranja i izvršenja zaštitne mjere zabrane prisustvovanja sportskim takmičenjima 373